

Siau-liām Sór Siau-sít ê



Tâi-ôan Lông-chhoan

Hong-kéng

Tân Lêng-giòk

Góa tē-l-keng kà-chheh ê hák-hāu sī tī Tâi-lâm-chhī An-lâm-khu

Cháp-jī-tiān ê Lâm-heng Kok-Sió. Chit-keng hák-hāu chin sè-keng, chôan-hāu kan-ta lák-pan nā-tiāⁿ, m̄-kú chit-keng hák-hāu sì-chiu-ûi ê hong-kéng sit-chāi chin síi.

Cháp-jī-tiān tī Tâi-lâm-chhī sìng sī iap-thiap chng-kha ê só-chāi.

Lâm-heng Kok-Sió ê āu- piah-bīn ū 1-ê sió chhoan-chng. Tòa hia-ê lâng chin chió, só-í chng-á-lāi ê lâng tāi-ke lóng chin sèk-sāi.

Hák-seng ê pē-bú tūi lāu-su lóng chin chun-tiōng. Hák-hāu ê thâu-chêng kap n̄ng-pêng-piⁿ lóng sī chhân-hñg, ū--ê chèng kóe-chí, ū--ê chèng tiū-á, ū--ê chèng hoan-béh. Ták-pái ū siu-sêng ê- sî, ka-tiúⁿ lóng ê sàng kóe-chí hō hák-hāu ê lāu-su chiâh. Góan kap ka-tiúⁿ ê kám-chêng lóng chin-hó.

Tùi hák-hāu thâu-chêng hit-tiâu tōa-lō it-tít kiâⁿ, òe-tit-thang khòaⁿ-tióh 1-khu 1-khu, chheⁿ-chhùi ê chhân-hñg. Hong chhoe--kòe--lâi, chhin-chhiūⁿ chheⁿ-sek ê hái-éng, 1-chàn 1- chàn iô--leh iô--leh teh thiàu-bú. Tùi tōa-lō chhah tūi chhân-hōaⁿ-á-lō jip--khì, chiū ê khòaⁿ-tióh bô kāng-khóan ê kéng-tì. Nā khòaⁿ-tióh 1-liáp 1-liáp ñg-sek, chheⁿ-sek--ê, sī koe-á moh tī thô- kha. 1-chhop 1-chhop sè-sè-liáp-á âng-âng chin kó-chui--ê sī kam-á-bit. Kui-tōa-phiàn ê kóe- chí, hō jit-thâu-kng phák-kàu kim-kong siám-siám, bōe-su pó-chiôh--leh.

Tiāⁿ-tiāⁿ ē khòaⁿ-tiōh pēh-lêng-si teh chhōe chiāh. Chúi-gû teh lôe-chhân. Lōng-chhoan ê hong-kéng sī chiah-nih pêng-chēng, sù-sī koh chū-jîan. Keng-kòe chiah-chōe nî, m̄-chai chit-má piàn-sêng cháiⁿ-iūⁿ, sī-m̄-sī koh hiah-nih súi--leh?